

մօտ, Պալխար վտակին: Պալխար վտակը մինչև Պալխար ավանը հասնելը ոռոգում է աջկողմի առուններով Մերէլսի եայլան, Պալխար վտակի եւ Հինդկարիս առուակի միացման անկիւնի մօտ: Հինդկարիսի ձախ ամուսն է գտնուում Պալխար ավանը, ուր լեռնադաշտը 4500' բարձրութիւն ունի: Այս ավանը մի ամփոփ քաղաքի շուկաների, գործարանների շարքեր չունի, նա ընդարձակ պարտէզներ ու այգեստաններ է, պտղատու ծառերով զարդարուած, մօտ 4—5 կիլոմետր երկարութեամբ եւ 3—4 կիլոմետր լայնութեամբ, ուր մարդիկ ամփոփուած իրենց այգեստաններում եւ պարտէզներում, շատ քիչ են իրար հանդիպում, ուր կանայք գարդարուած իրար չեն դիմաւորում փողոցներում, աղօթարաններում կամ բաղնիսներում, այլ միայն կարիք եղած ժամանակ իրար այգի են մտնում որեւէ ուտելիք կամ գործիք փոխ վերցնելու:

Այս ընդարձակ այգեստանները, բարձր ընկուղենիները, կաղամախիներն ու նոճիները այնպէս են ծածկած ավանը, որ բացի դալար տերեւներից ուրիշ ոչինչ չի կարող նկատել այցելուն: Դալար, ծառ ու այգեստան, այնպէս են գրաւում ուշքն ու միտքը, որ էլ ոչինչ չի նկատում ճամբորդը: Բայց մի կիլոմետր ցածրից վեր դնալուց յետոյ նկատելի է բերդի, միջնաբերդի ավերակ պատերը, կործանուած շէնքերի թումբերը,